

In 7. de Rep.

princeps ingenij Plato hanc vestibulum, & ad-  
ditum ad reliquas doctrinas voluit esse, non eam  
solum causam, quod illae sine numeris nullae sint,  
verum etiam quod numerorum tractatione ni-  
tescit animus, & preparatur ad reliquos doctri-  
nas satus recipiendos. Huius ego praestantissima  
scientiae pulchritudine captus, olim dederam me  
ad totam numerorum naturam inuestigandam,  
ut cum illam animo, scientiaque comprehendissem,  
tum demum literis eam illustrarem, atque Arith-  
meticae praecepta, Algebraeque documenta, (rem ita  
non omnibus cognitam) quibus in vita praeclearius  
vix aliquid reperias, ad certa quaedam capita, &  
faciliores demonstrationes reuocarem, ut cuius  
aperta, & prompta essent. Res erat praecleara  
illa quidem, sed multilaboris, atque temporis.  
Itaque interea dum opus illud à me limatur poli-  
tius, coepi, quae ex multorum libris dispersa colle-  
geram, separatim ad meum usum in commen-  
tariolum referre, ut videlicet ad manus mihi es-  
sent, meisque auditoribus explicarem: qui enim  
hactenus Arithmeticam tractarunt, ij aut mul-  
titudine praeceptorum rem perturbarunt, aut  
breuitate obscurarunt, sic, ut (in quo tamen de  
nullius existimatione detractum velim) quem in  
hac scientia magistrum, & ducem tyrones se-  
quantur, vix inueniant. Is libellus cum impru-  
denti mihi excidisset, & in manus hominum ve-  
nisset, summis precibus contenderunt à me viri  
graves, ut eum cum plurimis communicarem.  
quod fore dicerent, ut is utilissimus accideret  
ceteris studiosis, tum verò ijs, qui nostras scholas  
frequentant: quorum utilitati nolle consultum  
non esse eius, qui sua, suaque omnia Dei gloriae, om-  
niumque